

四庫全書

集部

欽定四庫全書

王舍人詩集卷三

明 王紱 撰

送王仲理復任四川僉事

亨號
秋林

蜀道古云險，憐君久宦遊。
一家渾八口，萬里只孤舟。
雪滿岷山曉，霜飛峽樹秋。
吏民懷舊德，去去莫遲留。

送葉經歷致仕歸建寧

十載塞垣外，一身戎馬間。
拜官纔受賞，謝病却投閒。
黃菊晚連徑，白雲秋滿山。
趣多那可及，悵望送君還。

題璠陽子手卷

璠陽高隱處山色五湖中路與烟濤隔船從浦溆通劍
橫秋影碧丹伏夜光紅安得謝人事從遊鶴背風

送呂太守之沁州

名允銘
號筠軒

沁州汾水北茲地我曾過郡郭雲山繞人家土屋多民
淳無獄訟時泰少徵科此去君為牧應聞五袴歌

送梁先生不移

長子潛字用之
次子混字本之

賢郎居諫職定省惜相違到此未為久如何又欲歸家

園梨果熟溪市蟹螯肥京國往還便莫將音信稀

寄龐山人士南

為問龐居士年來安穩無高閒唐陸羽清逸宋林逋竹
裏茶烟細梅邊鶴影孤逃名渾未許好句落江湖

夜宿黃牛峽

烟景暮蕭森黃牛峽轉深灘聲孤棹月山影半江陰感
慨追陳迹登臨愜壯心倚篷眠未得何處又猿吟

送吳掾郎禮歸無錫省親

作掾已三載兵曹典要機久能勤案牘今喜訪庭闈沽
酒鶯花晚行庖笋蕨肥故山無限好惆悵不同歸

題江村漁隱

釣舟隨處泊風颺一絲輕久已潛蹤迹那能識姓名雨
添春水濶山帶夕陽明獨有沙邊鳥時來共結盟

送王御史還松江

擬復烏臺任如何便乞還特恩憐母老多病許身閒
舊業松陵曲扁舟泖水間晏眠應有夢衣繡肅朝班

送解大紀遊北京

黃金臺下路曾是舊都城此去壯遊樂能忘遠別情壚
姬留客醉商犬護車行登覽詩千首多應弔古成

送呂永明復任饒州司稅

終西安
知府

與君同里閑遊宦異西東饒郡久司稅天官初考功估
平常課集貨聚遠人通自此應超擢休言秩未崇

野航

蹤跡渾無定生涯一葦輕自應耽野趣無復重浮名汀

草斜陽晚鷗波細雨晴不因時賣卜那肯泊江城

送張知縣

作宰麻陽去民風雜五溪世傳盤瓠後地接夜郎西
臘釀多藤酒春禽半竹鷄到官應有便莫惜寄緘題

送高員外省親歸毘陵

握手纔相見論懷未忍違我方遊帝里君復訪庭闈
曉日辭丹陛春風戲綵衣應知到家後欲別更依依

謝華樗林寄佳菊四枝

名寅可
字汝翼

佳菊滿籬東朝來寄好風
花連人共晚香與意兼融
皎皎鵝肪白盈盈鶴頂紅
相看思欲賦才拙句難工

病中雨夜二首

不眠孤燭在風雨送淒涼
病骨秋加瘦羈愁夜併長
自應強飲食誰復問衣裳
蟋蟀如相念時來啼近牀

懷抱怕生愁病來難自由
雨聲孤館夜人影一燈秋
書劔垂前志江湖憶舊遊
無端身外事一一上心頭

作平湖秋色圖題贈陸彥玘考功

近自吳門別而今已半年交游心固切霄壤跡難緣宦
況青雲表間身白鳥邊漫圖秋色去還肯憶林泉

題流杯別墅卷

曾聞高隱處風景似山陰曲澗通流水修篁藹茂林興
來觴且詠題在古猶今此本吾家事因君感慨深

製成鶴氅偶作

氅衣成野服飄逸類黃冠雪素輕狐貉風祛散羽翰不
嫌過膝短正喜著身寬見影心猶稱時披月下看

寄章永芝

公瑾

只說暫違去如何竟不來莫非多契合從是久徘徊笑
傲風前榻歌停月下杯却憂鱸正美歸興又將催

寄包徵士公愷

號梅莊
江陰人

愛爾閒情好林堂白晝長楷書臨小晉近體學中唐水
時一池芡園栽十畝桑不知籬下菊秋後肯分香

憎蚊

纔瞑便翳翳憑陵若騁能微軀不自愛利口向人騰座

客勞揮扇書生罷
炙燈秋風來旦夕
知爾不須憎

宿維揚

淮海風流地
狂遊記往年
飄零重過此
懷抱總非前
囊橐唯孤劍
妻孥共一船
故鄉回首望
烟樹渺江天

題自怡軒

黃叔洪求諱海
卒年八十六

才非世所宜
斂迹且棲遲
口獨與心語
人皆莫已知
落花啼鳥處
臨水看雲時
此趣古今在
誰云不自怡

雪夜與鄉人旅邸中小酌

客舍雖寥落清樽喜對傾
偶同今夕醉忘却異鄉情
炭熾寒猶在燈殘雪更明
獨憐分手去一騎上邊城

代州道中

堪笑復堪嗟行行路轉賒
稍陰憂雨雪纔霽苦風沙
逆旅人欺客征途犬護車
不知緣底事淪落向天涯

南歸沁州道中曉行

冒曉促歸程嵐霏是沁城
路隨流水去人入亂山行
澗底春水滑厓陰凍雪明
鶯花南國近深慰客途情

喜家兄以中自滇南歸用朱公孟韻

弟兄無幾人舊業且容身
共歎久行役應知多苦辛
囊資詩卷在鏡影鬢絲新
得遂歸來志琴樽日可親

題雲山樓閣圖

烟霞知幾重樓觀羽人宮
路向嶺頭過船從溪口通
枯藤懸絕壁古碣夾高松
安得投身去長吟鶴背風

題漁樂圖

釣罷得魚鮮舟維野店邊
閒同三兩伴盡醉百千錢
弄

笛船頭坐枕蓑蓬底眠烟波隨處好身世總悠然

雨夜過鄒氏溪東別業

溪口暫維舟敲門暝見投雨來山郭夜木落野塘秋寢閣香猶在行庖火尚留主翁情意厚樽酒更綢繆

題老圃卷

桑榆宜晚境築圃近茅堂鑿沼分流水編籬補壞墻雨晴瓜蔓綠風暖菜花香客過饗鷄黍村醪剪韭嘗

韓蒙菴先生同留夏雪洲館中韓以詩留別遂次

其韻

韓奕字公望號蒙菴姑蘇人
夏權字叔度號雪洲江陰人

間身江海上世事每嫌聽吟藁逢人論扁舟到處停雪
銷新水綠雲盡遠峯青何事思歸早潮生未滿汀

寄邵希遠校書兼簡叔行東屏

萍踪俱是客書館喜相臨來往無多路分違又一旬酒
應端午醉囊似去年貧煩語賢東道池魚好餉賓

代雪洲端陽招客

夏權字
叔度

佳節逢端午葵榴照眼新君雖非飲客我豈獨醒人綠

索寧須繫蒲樽正可親高情如不棄林下望車塵

病中述懷二首

卧病得休暇提撕百念非任真招物議隨俗與心違
露草亂蟲響雲霄一鶴飛君恩知未報何敢道思歸

問年纔五九底事便奄奄壯志逐時減新愁與病添
日晡思啖粥風冷怕鈎簾有客來看命猶談蔗境甜

送王檢討使朝鮮

傅字孟敬號虛舟有集解學士縉作序

秉節赴朝鮮銜恩玉殿前封圻寧有間雨露自無偏

驛騎經遼地雲帆拂海天
遠人迎拜處應識使君賢

病後寄同志

少小頗知學老來何足論
自慚書翰力難答聖君恩
一病較纔好兩眸看漸昏
客囊無舊物唯喜短檠存

寄沈徵士

唐字誠甫
號存耕

東陽沈徵士於我久相踈
間別已三載往來無一書
情懷終自若客鬢近何如
遙想諸郎好家庭樂有餘

贈蔣御醫用文

名武生
謚恭靖

醫名追扁鵲，傳派自長康。
疊見迴生效，多藏經進方。
竹深通藥徑，花外掩丹房。
修合常供御，衣衫襲異香。

送宏上人住保寧寺

別來忘歲月，相見又飄然。
去住渾無著，行藏只任緣。
故山唯落木，廢刹鎖荒烟。
師去重開社，香燈祝萬年。

送魯府黃謙紀善歸莆田

餞別秦淮上，春潮沒淺沙。
寸心應戀闕，千里暫還家。
客路多芳草，都門正落花。
徵書看又起，未必久烟霞。

送人歸省

遠別念親闈君恩獨賜歸鄉關經月到烟水片帆飛
梁稻歲初熟蟹螯秋正肥遙知調膳處綵服映春輝

送懷益州長老之四明

懷公方外士去住兩翛然有相皆成幻無心即是禪鐘
聲山寺月杯影海門烟為續祖燈去能忘應世緣

送章秀才歸松江

挾策來京國經年未一官籍名通秘閣僦屋住長安身

病憐親老妻亡念子寒恩教暫歸去不是學張翰

挽吳母

令子居郎署慈親白髮垂每聞期就養誰料遽成悲太
史書阡表名卿集挽辭獨憐斜日裏無復倚門時

送鄭州同知

考績上銓衡三年喜政成郡人多頌德朝士半知名落
日孤城遠秋風上馬行遙知溱洧上父老久相迎

中秋對月追憶去年諸公遂有存沒升沉之感因

成近體一首

中秋已過半芳樽誰共親
可憐今夜月空憶去年人
得失蕉間鹿存亡草上塵
揮杯勸孤影只合伴閒身

寄蔡景顥

始因從宦出先世福州人
踪跡久居楚語音猶帶閩
田廬依婦族圖繪贈交親
千里聊相問身安莫厭貧

寄劉士俊

劉郎醫術好夙契已逢仙
製藥少人見秘方多祖傳
家

貧雖寂寞客至即留連廿載不相見令人思惘然

寄徐伯玉

每懷徐孺子寥落共誰親
早歲應多疾衰年又復貧
苔痕封古巷松影過比隣
獨喜添丁好傳家幸有人

寄徐九鼎

氏族南州派遺風亦好潛
幽居隣陸羽清藝祖蒙恬
地近傍城角花深露屋尖
年來怕徵起蹤跡隱魚鹽

寄潘子安

號海莊任夔州府同知
所著海天清嘯詩集

潘郎豪且逸佐郡上瞿塘縱酒宦情薄耽詩野興狂才
名雖藉甚家業已荒涼聞說喬公女鴛鴦鎖洞房

寄孫景昭

每愛孫公子風流不可禁留賓開博具呼妓合調琴杯
泛忘形酒囊存買笑金別來嗟已久綠鬢雪應侵

中秋醮集分韻得青字

秋半露初白月高天更青相逢如此夜不飲若為醒
管奏清響長筵列廣庭百年能幾會杯到莫留停

題源隱

風景似仙家山厨飯熟麻恐人知姓字避地隔烟霞
流水一溪雨種桃千樹花莫教漁父識出向世間誇

贈陳司倉廷玉

司倉雖小職京國掌軍儲天近屢朝見官閒如隱居
秋風三畝宅春雨一園蔬咫尺頻相過毋煩重致書

送張邦達之四會

送君之四會接境近番禺夷獠居相雜炎涼候頗殊時

清銷瘴癘地廣闊膏腴政績三年後應知德化孚

送王生還錢塘迎養

親老當迎養江帆去路賒故鄉翻是客上國久移家
慈竹添新筍春萱著晚花到來應倍喜甘旨樂繁華

送楊教授之邵武

教鐸之閩郡諸生待琢磨莫言居職冷應見育材多晚
棹投孤驛春衣換夾羅去途經浙水舊業喜相過

送黃仲遜之安平鎮巡檢

聞說安平鎮荆湖當要關
瀟湘合二水衡霍拱千山地
僻居民少時清邏卒閒遙
知到官後多在醉吟間

挽菊莊金德厚先生

別去兩經春寄來書更頻
只期重握手寧料永傷神
祿養悲賢子情親泣故人
遙憐籬下菊今歲為誰新

雪夜凱師留宿戲贈

自笑年將老無繇斷愛憎
閉門辭俗客下榻待吟僧
茶煮春水溜梅橫雪夜燈
要能同此趣京國許誰曾

寄匡世德

匡君一別久踪跡近誰依囊盡風流在年高故舊稀浩
歌邀月上獨立看雲飛只歎階庭下無人戲綵衣

題臨清書屋

君家舊文獻世業喜聯芳書積數千卷門開半畝塘天
光朝鑑滿燈影夜窓涼未許終嘉遯還應入帝鄉

深靜軒為雲石長老賦益取杜少陵竹深留客處
荷靜納涼時之句以扁其軒云

何處可追遊
茲軒景最幽
穿林開小徑
鑿地引清流
竹色明書幌
荷香散茗甌
高僧尤好客
欲別更遲留

贈陳景中昆仲題所畫竹上

到京今六載
衰病獨煢煢
在客誰知己
惟君弟與兄
經過常饋藥
慰問每留情
持此豈云報
相期歲晚盟

暇日讀楞嚴經偶成

勞生何擾擾
衰鬢已蕭蕭
偶得楞嚴讀
都將世慮消
水流虛谷靜
雲度碧天遙
獨坐忘言久
西山對寂寥

初度

此日逢初度長年客帝鄉
兩京叨扈從四海共安康
振珮趨青瑣濡毫向玉堂
不須稱壽者歌此進瑤觴

濟寧分水閘訪鄉人王大使

自說到官久往來多見臨
上堂詢旅况對酒話鄉音
日落郡城晚河春閘水深
南歸應有待停棹擬重尋

東昌與陳德耜夜別

耘江陰人
號約軒

匆匆客路邊不得共留連
公館燈前酒王程月下船
孤

城橫曠野斷鴈落平川別後重相憶應知夜不眠

和趙彥如中秋對月韻

友同號
存齋

秋半晚涼新空庭迥絕塵共看今夜月況是故鄉人展
席聊呼酒烹魚底用尊清光千萬里隨處可相親

送台州醫官裘訓科南歸

學業究岐黃新除拜寵光濟人唯用藥從宦不離鄉
選勝登霞嶠尋真訪石梁因知歸思趣不敢問竒方

賦柳瓢

炎方克貢物頒賜出金門外表匏瓜質中涵雨露恩
香甘宜作果堅確可剗尊銘刻須珍襲留榮及子孫

挽李母

其子玉
大理副

閭里共稱賢中途喪所天教兒登顯仕抱志卒餘年京
國輿靈櫬橫山入墓阡銘文書琬琰尤足慰重泉

得家書

昨夜鄉人到家書喜見投展開三四讀添却萬千愁舍
弟貧依舊山妻病未瘳那堪諸幼稚日日望歸舟

乾
坤
艮
巽
震
坎
離
兌

王舍人詩集卷三

欽定四庫全書

集部

王舍人詩集卷四

詳校官國子監司業臣納麟寶

中書臣劉源溥覆勘

總校官編修臣王燕緒

校對官典簿臣郭祚熾

謄錄監生臣鄧友樸

欽定四庫全書

王舍人詩集卷四

明 王紱 撰

送倪知縣克明服闋赴京

峻兵科都給事中卒年六十三

解綬歸來廬墓側依然三載廢鳴琴哀情那盡思親淚
壯志難忘報國心馬識京塵嘶晚道人經官驛聽秋砧
恩榮不日除書下好為林泉早寄音

題蔡教諭先生鶴塚卷

名允昇三衢人

琴罷杏壇長自舞踰躑何遽永相違漫追坡老舟中夢

誰復丁仙海上歸聲斷夜窓松月在跡存春逕雨苔微
空留泮水蕭蕭塚落日淒風烏雀飛

壽雪洲

夏權字叔度松江府判官仲實之孫上海縣主簿師顏之子母趙氏旌表節婦

半百纔過一載餘鬢鬚如漆美簪裾富將詩禮傳先業
老向田園樂隱居椿桂陰森環第宅芝蘭萌茁滿堦除
况聞賢母冰霜操千古名傳太史書

過趙徵君文鼎隱居

其先世宋宗室趙狀元之七世孫諱鉉號雪坡

只今誰識舊王孫高隱澄江郭外村宗室世傳家譜在

狀元坊建鼎魁存清秋山色橫當檻靜夜潮痕直到門
擬得初春重相過索嘗新酒薦河豚

酬華樗林見寄韻

寅可字汝翼

可笑先生七十餘年時宿習未能除閒身寂寞難忘酒
老眼昏花不廢書半榻秋聲吟細細一樽燈影髻疎疎
幾番欲得相尋去尚恐嫌人識隱居

送楊昂從戎

諱繩字德昂號靜約

溪口停橈別故人臨行不覺淚沾巾一身囊橐親同旅

滿眼松楸託近鄰
蠻洞曉雲晴
復雨瘴鄉冬日暖
如春
于今聖主多恩澤
久屈應知漸可伸

留別雪洲東屏

地好况聞名習禮
參差高第映喬柯
偶來為客住因久
漸喜居人識較多
春暖壺觴陪燕集
秋清簾幙聽絃歌
無端漫復西遊去
主意勤倦奈若何

夜宿丹陽道中

行李出門纔兩日
離情無那便思家
初從異縣登平陸

又下輕舟上小車客路晚來投旅店鄉音日復近京華
不眠苦被詩情惱吟落寒燈一穗花

宿天界寺用石庵遊惠山詩韻

木落空山古寺秋尋僧聊遣世間愁塵勞似海何時了
蹤跡如萍著處浮對榻暫同林下宿煮茶閒引磬邊遊
明朝又欲飄然去一幅輕帆過石頭

謝慶壽寺長老惠線香

挿向薰爐玉筍圓當軒懸處瘦藤牽纒焚頓覺塵氛遠

初製應知品料全餘地每延孤館月微風時颺一絲煙
感師分惠非無意鼻觀令人悟入玄

歌風臺

黃屋初乘入故鄉悲風曾此醉壺觴固知有國因三傑
復恐無人守四方豐沛到今何寂寞風雲終古自飛揚
荒臺獨上追陳迹空見殘碑傍夕陽

元日早朝

七年從事玉堂間又值新正立曉班夾道旌旗嚴五輅

充庭犀貝雜諸蠻和風暖入承明殿瑞靄晴開萬歲山
聖代信然無隱者布衣都得拜天顏

和錢博士先生除夕感懷韻

仲益

京華住久客囊殫對影蕭然守歲闌酒浸屠蘇憐獨飲
盤堆首蓿共誰殮家山夢在相思切心事逢人欲說難
年復一年多白髮駐顏何處覓金丹

觀大祀

雲漢昭回月正中聖君嚴祀答蒼穹冕旒肅肅威儀盛

玉帛煌煌典禮崇
鹵簿香飄凝瑞靄
簫韶聲奏度祥風
百神咸格宸衷喜
願祝繁釐萬國同

除夕有感

坐擁寒爐夜不眠
漏聲聽徹欲朝天
但知舊歲逢新歲
不覺中年又晚年
斗轉正臨丹闕近
春回應自上林先
幸當昭代慚無補
獨立東風思惘然

送朱叔服還江西寫送別圖并詩於上

柳拂東風弄曉寒
送君沽酒出長干
閒身已遂還家樂

直道方知處世難，雲盡匡廬山色好。
雪消彭蠡水容寬，離情一段歸圖畫。
留取相思別後看。

送張副使赴四川憲司

憲節遙臨白帝城，聖心欲慰遠民情。
豺狼退伏霜威勁，鷓鴣高搏海宇清。
劍閣日斜驄馬驟，錦江春好繡衣明。
遙知到日循行處，父老歡呼夾道迎。

寄題住長老萬竹深處

萬竿森立翠交加，蒼雪紛如天雨花。
風度微涼侵貝葉。

月明清影覆袈裟
林深燈暝時聞磬
逕裡煙生自煮茶
何日相過參玉版
禪關尤恐碧雲遮

牡丹

魏紫姚黃取次栽
清和將近始花開
羣芳任意參前去
國色多情殿後來
簾外日高施帳幄
酒邊風暖醉亭臺
東君賦予何多也
無限繁華獨占魁

梧桐

近種高梧金井旁
重重如蓋映彫牆
豈惟清廟中琴瑟

佇看朝陽鳴鳳皇
得地自憐承曉露
知時那肯著秋霜
賢侯公退鈞簾處
滿院清陰白晝長

送吳太僕還京

鑑字德清號性泉廬江人

歲莫金臺雨雪飛
匆匆相見即相違
年來每憶交遊少
別後休令信息稀
馬渡淮船春意早
人還京闕曉光微
親朋見問無多及
况味依然老布衣

重過小姑山

不到小姑今十年
望中風景尚依然
廬山金削遙天外

漢水綠浮飛鳥前
祠下女巫鳴賽鼓
沙頭津吏候官船
登臨重覓舊題處
崖石歲深蘿薜牽

黃鶴樓

日暮江天獨倚樓
樓高凝望思悠悠
仙人不見鶴不返
江水自流山自秋
七澤渺茫孤鳥度
三湘寥落片雲收
數聲長笛知何處
懷抱不勝今古愁

黃牛峽早行

灘下待明船子發
起來篷底尚餘酣
浪花夾棹捲晴雪

空翠撲人飛曉嵐勝迹登臨多自愜畏途跋涉信難諳
何當長揖人間事老卧林丘頗自甘

月夜過瞿塘

瞿塘灩澦足風波一葉官航抵暮過峽盡頓看江路濶
山開尤喜月明多圖分八陣石猶在柱鎖重關鐵未磨
惆悵英雄俱已矣令人千古獨悲歌

重慶道中苦熱

地近瘴鄉秋暑熱客行長日汗流顛草蒸惡氣薰人醉

馬蹴飛塵撲面來，望近驛樓思偃息。行當山路苦縈迴，
虛懷漫有相如渴，深愧應無作賦才。

夜發資縣

過雨晚來涼氣好，征鞍夜發肯遲留。月華焰路皎如晝，
風葉滿山渾是秋。度水柝鳴津口邏，隔烟燈起驛邊樓。
驅馳本亦勤王事，添得詩情分外幽。

曉過雙溪道中

殘月欲低溪水明，林香拂拂曉風清。鳥從萬木陰中響，

人在亂山深處行境異自令心獨賞趣幽翻覺句難成
不知蜀道幾千里一路吟哦到錦城

至成都

京國遠來將萬里士民歡悅共謳吟久欽西伯施仁政
終見東平樂善心江帶錦城花爛漫山橫劍閣樹蕭森
只今宗社安如石聖念尤親九族深

題杜工部浣花草堂

浣花溪上草堂前想像當時思惘然鬢老風塵多自感

身經喪亂復誰憐
懶從江夏誇鸚鵡
獨向西川拜杜鵑
知己惟應有嚴武
醉言何事又招愆

武侯廟

忠義分明兩出師
令人讀罷想當時
躬耕本亦巢由志
襟抱聊將管樂期
魚水一時心已合
風雲八陣石難移
長星不使營前墜
禮樂重興未可知

相如駟馬橋

相如辭賦擬風騷
浪迹臨邛逸氣飄
犢鼻豈應親滌器

駟車直欲預題橋才名當世黃金重志願凌雲碧漢遙
富貴如何纔滿意白頭吟裡恨偏饒

酬四明王教授彬見贈韻

君才堪作濟川舟愧我無能髻已秋江左家聲渾寂寞
山陰宗譜尚綢繆經橫絳帳崇師道裾曳金門久宦遊
正恐相逢又相別玉瓶同擬醉沙頭

再用韻留別

西風江上促歸舟落木啼猿總是秋愧我半生多旅寓

憐君一見即綢繆
宦情那肯輕同志
鄉語偏饒訪舊遊
別後相思重回首
吳雲迢遞海東頭

酬廖紀善去怠贈韻

文采芙蓉映碧灣
令人相對意忘還
官閒得俸惟酤酒
公退鈎簾只看山
簪筆殿頭居紀職
曳裾門下出朝班
思君正似仙凡隔
瞻望蓬瀛弱水間

再用韻留別

巴渝西上幾千灣
纔得停橈又促還
歸路漸看京口樹

吟筇難遍蜀中山
黃花老我思秋逕
白簡憐君綴曉班
會別人生那中料
信音湏仗往來間

中秋對月

皎皎水輪對客圓
客心相對兩堪憐
清光此夜異常夜
狂興近年非少年
弟戍邊城勞別夢
兒留鄉井望歸船
一家骨肉分三處
應共感懷多未眠

送陳尚賓還靖州

嗟余湖海度年華
爾復飄零更可嗟
舊業斲歸翻是客

異鄉重到即為家
江連雲夢孤帆遠
日落衡湘斷鴈斜
後夜月明何處泊
相思回首各天涯

舟中曉望都城有懷諸公

煙深孤塔是長干
路近都城望眼寬
江水今無南北限
山形原作虎龍蟠
雲開魏闕朝陽滿
月落秦淮曉色寒
遙想此時天上客
從容鳴珮列朝端

謝惠皮墩

拜惠仙墩三尺圓
漆成文采瘦藤穿
最宜箕踞長松下

又好跣趺繡佛前四體但能安即了寸心尤覺靜相便
題詩欲擬瓊瑤報坐對青燈夜不眠

題贈秋林草堂圖

書劍飄飄年復年感侯相見即相憐行藏只說都由已
窮達寧知却在天遠塞關河迷落日故山庭院鎖秋烟
多情猿鶴應貽誚荒却當年種秫田

為黃侍讀賦瑞菊

淮字宗豫永嘉人諡文簡

秋英特表君家瑞合蒂聯葩色更佳讓國夷齊雙節在

分金管鮑兩心諧
霜凝素辦連環玉
風動芳叢並股釵
知是花神意加倍
何妨疊日醉高齋

悼松菴性海師

諱普真姓承氏惠山寺住持遷住虎丘五十八歲示寂王學士達善

撰塔銘

毘陵人

方外交情師最優
尋常相見即相留
蒲團對坐聽松雨
茶具同攜淪澗流
丈室獨存禪榻冷
一燈空照影堂秋
固知去住皆虛幻
顧我能無感舊遊

送陳指揮文懿還常德

將軍先世太丘陳功著當今號虎臣每効忠勤酬聖主
久持威信服蠻人船衝官渡潮聲急馬踏京塵柳色新
聞說轅門臨勝地桃花開遍武陵春

寄以中家兄

時聞喪子
依沈甥居

客窻無事即思兄消息傳來信且驚萬里獨歸悲喪子
一身誰料老依甥田園尚足供庖廩杯酒聊將適性情
安得乞閒尋舊隱白頭相對了餘生

寄錢汝容

默

衣冠楚楚整容儀
吳越雲仍第幾支
應役最勤官府事
逢人多誦鬼僊詩
林收南畝時供酒
燭剪西窓夜奕碁
愧我塵途歸未得
衡門何日共棲遲

送陳孟敷歸吳中兼簡諸友

綠槐官舍澹朝暉
回首鄉山子獨歸
去路祇愁梅雨滯
到家應喜藥苗肥
青樽舊約呼隣酒
白苧新裁換客衣
吳下故人如有問
每慚泉石久相違

送任大參勉之福建

字近思號薇菴華亭人洪武甲戌進士

都亭南望路迢迢
仗擁雙旌引去軺
官拜大參行外省
人推清譽滿中朝
風迴海舶珠犀集
雨洗閩山瘴氛消
服遠最宜恩信立
佇聽嘉政播民謠

題竹

林下蕭然拔俗姿
難隨花柳競芳時
秋深風雨邀誰聽
歲晚冰霜只自知
節帶粉痕龍骨蛻
葉隨清影鳳毛披
王猷去後高風遠
世眼相看總未宜

題贈潘克誠菖蒲卷

一寸雲根九節生人傳堯韭是嘉名曾聞久服身長健
最喜相看眼倍明露帶曉光珠滴瀝水涵秋影劍崢嶸
題詩記得池亭上窻几無塵宿雨晴

寄內弟趙叔平

別來不覺又秋風歷想君家在眼中稚子情嬌初學語
慈親年老近加聾新居每對千竿竹先隴應添幾尺松
世業喜聞能復舊休將百萬一泉空

題友竹軒

朱紹善繼
求文林人

梅易飄零松已老此君交久更多情
晚涼移榻就林影
秋夜讀書來雨聲勁節豈隨時俗態
虛心常結歲寒盟
王猷未必非知己直造敲門肯見迎

寄鄧舜英

槿號篋樓釣者

素耽書法又耽詩看字分明玉雪姿
共樂琴樽欣有弟
獨持門戶歎無兒數間茆屋風生榻
千畝禾田水壞陂
惆悵別來渾二載旅窓明月幾相思

寄潘克誠

號蒲石

年來潘鬢漸成霜滿架牙籤總是方數轉曲欄通鶴徑
一披低屋養花房賢郎盛暑調湯倦童子新晴晒藥忙
聞說家西新買地半栽蔬果半栽桑

寄余彥行

璿號耐貼

客邊無處寄相思交誼如君更有誰豈獨芝蘭沾我輩
久將詩禮及吾兒齋前曲徑稠桑合門外橫橋細柳垂
鄉夢覺來猶歷歷不知何日是歸期

寄古鏡先生

允字達可姓錢

鶴髮童顏九十翁
數間書屋住溪東
通仙每得懸壺術
遺世長思荷鉢風
春暖酒醅浮甕綠
夜深丹火伏爐紅
別來高致空懷仰
何日從容語笑同

寄德常先生

吳彞號
耐辱

杖藜時復到山城
鶴骨清癯步履輕
不是里胥催過割
定因官府報開耕
黃花遠徑秋霜曉
紅稻登場宿雨晴
聞說近看莊子熟
滿羣家鴈盡能鳴

寄呂教諭先生

敏字志學號
無礙居士

生平典教老歸休，肩背龍鍾雪滿頭。
聖主特頒新誥勅，朝臣多說舊從遊。
園池雨歇禽魚靜，窓几秋清竹樹幽。
昨日有書來翰苑，墓銘先欲向人求。

寄一瓢余君

時喪母海字朝宗
卒年八十絕嗣

聞君哀毀若為情，骨立蕭然髻雪明。
井臼祇應勞閭政，簞瓢猶且託門生。
慈帷慘淡秋燈影，破屋淒涼夜雨聲。
如此孤貧良不惡，輕肥那得免憂驚。

寄匡世德

風流應不似當年鏡裏愁看雪滿顛博具更無豪客對
酒盃聊共細君傳久拋租產難供米舊積房奩盡賣錢
肯信多男又多累一身贏得日高眠

寄浦嬾翁

坦字
濬之

一幅烏紗兩鬢絲令人常想舊容儀詩名老去尤推重
藥術年來更絕奇紅杏軒窗春澹澹綠楊門巷晝遲遲
遙知燕處渾無事水浸雕籠浴畫舂

松筠軒

窻戶無塵一徑深古松修竹翠陰森
采花為酒落金粉挑筍作蔬抽玳簪
夜月每看祥鳳宿秋風時聽老龍吟
平生獨抱幽人操誰復歲寒同此心

送王經歷

六十難稱致仕年君今獨許樂林泉
近臣殿陛宣恩旨朝士都門列祖筵
江帶去程辭建業山迎歸棹入臨川
遙知今歲重陽酒應共比隣醉菊邊

題蒼筤池館

錢塘慧泉翁陳仲明
二子德中景中

軒窗開處小池平翠竹新栽遠徑生洗藥每驚魚躍起
掃苔時放鶴來行涼生清籟秋偏早影動微波月倍明
惹得王猷知此處幾番直造不通名

扈從回京舟中渡江而作

千里樓船江上還狂歌醉舞浪花間今宵對酒莫辭飲
明日到京無此閒落日寒潮揚子渡澹烟衰草秣陵山
壯懷不必悲前古共整鳴珂候曉班

送鄭尚書致仕

沂字仲與
浦江人

曳履南宮雪滿簪尊榮重沐聖恩深名成早遂還山計
身退猶存戀闕心車馬都門爭祖餞盤飧隣曲共追尋
知君孝義傳家久子弟那能惜賜金

用韻元日早朝和鄒先生

緝仲熙

珊珊珂珮共趨朝綵仗森嚴擁戟旄僊樂奏隨方物表
天香飄及近臣袍風微玉陛春光早露濕金莖日影高
班退又聞催入醮宮花簪帽醉葡萄

和蘇檢討先生除夕前一日齋宿翰林

伯厚

臘盡重城暮雪殘
詞垣齋直坐更闌
金蓮光燦青綾夜
寶鼎香飄玉署寒
阿閣喜同威鳳宿
明堂遙覩袞龍盤
此身幸際昇平日
三策何須獻治安

贈潘晦初

都門一笑喜相逢
典却春衣酒肆中
且放襟懷同嘯傲
莫將耆宇論窮通
卧龍蟄後今安在
良馬羣中久已空
老眼到今無著處
醉來江上目飛鴻

送陳指揮赴甘肅

家聲曲逆傳來久計畧尤能每出奇寵命近聞陞上將
兵威應見振邊陲屯開瀕野千營列獵過祈連萬馬馳
聖代豈惟修武備要將恩信伏諸夷

題杏花春色卷

年來芳杏種成蹊結得數椽茆屋低草色階除看虎卧
花明簾幙聽鶯啼曉天白映梢頭月雨溼紅粘屐齒泥
自是董仙風致在漁郎休道武陵溪

曉發通州望京闕作

小雨初晴曉雪開
五雲深處見樓臺
山連遼海金城固
春滿關河玉輦回
星漢共瞻天漸近
衣冠重整客初來
欲憑子墨誇雄覽
愧乏揚雄獻賦才

別南京

紫禁鐘殘萬馬奔
曉隨仙仗出都門
送行不盡親朋意
扈從深蒙聖主恩
日出海霞紅散綵
雨添江水綠生渾
憑高回首瞻鍾阜
王氣龍蛇勢獨尊

到北京

纔別南京又北京客途渾是月餘程舟車不覺經行遠
冠珮重叨扈從榮廣陌遍嘶初到馬上林時聽舊啼鶯
解袞且醉都門酒自慶餘生際盛明

和曾侍講禁中聞鶯韻

禁字子啟號西
墅甲申狀元

綠陰疎雨澹朝霞紫禁啼鶯競物華聲度簫韶偏宛轉
地臨霄漢絕喧譁纔穿瑣闥千條柳又隔薇垣萬樹花
佳唱寄來難即和只愁貽笑大方家

和鄒侍講雨後夜坐喜涼有作

緝字仲熙號
素菴吉水人

一雨渾無六月炎，御溝流水晚來添。
近居直院新開第，初試涼衫舊賜縑。
古鼎香飄風滿席，疎簾光射月當檐。
夜深不覺吟哦久，詩法輸君律最嚴。

再和前韻

雨餘瓊署不知炎，此夕多君逸興添。
燈下展書橫一榻，酒邊濡翰掃千縑。
月驚棲鳥爭喧樹，風約流螢直到檐。
我欲披襟同露坐，休將禮法待人嚴。

三次前韻

天近都城暑不炎，晚來涼氣雨餘添。
樓臺何處秋橫笛，機杼隣家夜織縑。
吟對篆烟憑曲几，卧看銀漢傍虛檐。
翻思襪襪江南日，冠服何繇得整嚴。

酬朱逢吉先生見寄韻

以真號芝山大
理寺丞番陽人

聖主鑿輿事北巡，山川皆被寵光新。
榮當扈蹕叨清職，忝預絲綸愧昔人。
丰采未瞻聞譽久，緘題先寄見情真。
近知松桂凌寒好，畢竟均霑雨露春。

和曾侍講題新建秘閣韻

帝城東望勢峇崑阿閣新成逼九霄玉署近臨青瑣闥
粉垣新映赤闌橋夜窓燈火明蓮炬春暖笙歌識鳳韶
誰似相如才獨贍賦成猶覺氣飄飄

新成秘閣聳峇崑碧瓦朱甍映紫霄翠柳夾栽香輦路
玉欄斜轉御溝橋絲綸絢爛文成錦歌頌鏗鏘韻協韶
定有青藜來照夜虹光高逐五雲飄

題華節婦卷

夫病亟遂自縊華源長
之妻鄒氏近仁女也

借老曾將百歲期一朝凶變竟何為微軀只合從夫死

大節寧堪使婢知鏡掩青鸞藏鈿匣綵垂白練繫雕楣
于今同穴埋雙樞連理應生墓上枝

挽計生岳肩

中含鳴鶴之子

若翁已失平生望對客無言淚滿袪遺墨尚存新著藁
小齋空積舊藏書樓成作記應難測地下修文恐不虛
自古多才偏夭折茫茫造物竟何如

挽張真人

字初字信甫號無為子四十二代天師

憶昔瑤京相見日許同仙籍注清班遽聞馭氣遊無極

不復焚香授大還
笙鶴逍遙三島上
樓臺縹緲九霄間
世人空自藏遺翰
邈矣高風不可攀

和祭酒胡先生題種菊韻

儼字若思號願
卷卒年八十二

佳菊移從何處來
鬢絲相對共毳毼
閒情未得籬邊種
老眼長看客裏開
花吐清香飄滿徑
根培宿土砌成臺
高風遠慕陶彭澤
詩句應須著酒催

又次聞鴈韻

燈殘孤館獨醒醒
斷鴈那堪此際聽
老去情懷渾似水

年來踪跡尚如萍一天霜月飛何處千里關山想寧馨
料得豪家無此况酣歌清夜對娉婷

北京八詠

居庸疊翠

峯巒疊疊樹冥冥黛翠浮光向日橫高聳青霄臨北極
遙連紫塞到東瀛路通絕域來番使天設重關壯帝京
四海車書今混一好磨崖石頌皇明

玉泉垂虹

樹杪潺湲落翠微
分明一道玉虹垂
天潢低映廣寒殿
地脈潛通太液池
遙望直從雲盡處
近聽渾似雨來時
煮茶不讓中泠水
陸羽多應未及知

瓊島春雲

蓬島樓臺金碧暉
春雲郁郁更霏霏
曾為甘雨從龍去
又向朝陽逐鳳飛
玉几爐烟同縹緲
彤垣花霧共依違
從來此地多佳氣
五色文成繞禁闈

太液晴波

翠浪粼粼帶碧烟
瑤臺西畔玉樓前
九重地隔人間世
一片秋涵鏡裏天
星斗轉時銀漢近
芙蓉開處綵雲連
此身已得隨鷓鴣
共沐恩波祝萬年

薊門烟樹

雉堞微明散曙霞
重重烟樹萬人家
輪蹄雜遝香塵暗
樓閣空濛酒旆斜
翠柳陰邊棲宿雨
絳桃繁處約晴霞
都人歲歲清明近
此地尋春競物華

西山霽雪

雪滿西山繞帝城，憑闌清曉看新晴。
千章玉樹臨風倚，九疊銀屏向日明。
都市酒香春已近，御溝冰泮水初生。
天應預報豐年瑞，萬姓謳歌樂太平。

盧溝曉月

扈蹕重來趣曉裝，雞聲殘月樹蒼蒼。
數峰雲影橫空澗，一帶波光入渺茫。
人語暗喧孤戍犬，馬蹄寒踏滿橋霜。
望中風景皆詩思，况復樓臺是帝鄉。

金臺夕照

黃金此地曾延士極目平川夕照斜水遶易城遺霸業
田連督亢屬農家蒼茫暝色烟中樹縹緲晴光雨外霞
千古高臺餘舊址西風殘柳集寒鴉

送周編修復任還南京

功叙

十載詞林來考績兩京佳麗遍遊觀紀行隨處添新藁
拜命歸時復舊官雨過秣陵山色好潮生楊子水容寬
懸知別後重回首寒樹江雲路渺漫

送李教諭之無錫

孟昭諱湛

送別都門酒滿卮吾鄉今喜得賢師
中朝正值文風盛後學應蒙化雨施
鴈度江淮霜落早馬行齊魯雪晴時
故人相見如相問為說年來鬢已絲

仍翠樓為金溪趙公理賦

若翁仙去竟如何手植琅玕已滿坡
門口直開三徑入樓中應待七賢過
晝長蒼雪飄簾幙夜靜清風響珮珂
最好年年雷雨後階庭添得錦綉多

挽穆先生

其子肅雍
皆擢指揮

聞說當年謁至尊，布袍藜杖入軍門。
六韜適遇風雲會，二子皆承雨露恩。
丘隴豈期身遽歿，功勳應與國長存。
董公遮道真奇事，太史於今可並論。

元夕賜宴觀燈應制

紫禁春回景物饒，千官陪宴賞元宵。
樓臺和影來三島，燈月交輝徹九霄。
錦隊喧時呈角觝，翠華臨處奏箏韶。
太平氣象年年好，萬國謳歌仰聖朝。

人間元夕喜天晴，况復繁華在帝京。
鳳輦遙臨雙闕迥，

鰲山高聳萬燈明
春風車馬填都市
夜月笙歌滿禁城
不是吾皇重時令
要同黎庶樂昇平

翠聳鰲山對闕開
萬燈森列映樓臺
初疑星宿薇垣聚
又見神仙閬苑來
火線走空飛夜電
香車填道動春雷
臣民共樂恩光裏
願獻吾皇萬壽杯

望近仙家十二城
君王元夜宴瑤京
月華且讓燈毬起
春色先從火樹生
平地蓬瀛開勝槩
半天歌管奏新聲
小臣願獻昇平頌
萬歲千秋仰聖明

四友軒為陳考功賦

每愛大夫多晚節復憐仙子占陽春此君既共稱三友
我輩何妨屬四人歷盡歲寒盟已舊生同風致意偏親
幾番詩酒高軒下彼此忘形各任真

送廖教諭再任松溪縣庠

匆匆相送出都城回首松溪兩月程行橐近添新著述
到官仍復舊師生壇開紅杏微風暖池長青芹細雨晴
今歲秋闈攀桂客多應講下占魁名

遊天王寺用修撰王時彥韻

英謚
文安

古寺尋幽竟夕暉
敗垣芳草路依微
鳥啼空院僧何在
樹老閒庭鶴自歸
靜對方池移石坐
高臨孤塔看雲飛
平生自信心無著
不是衰年始息機

送友人

投老還鄉鬢已絲
風流誰說異年時
數間書屋鶯花繞
千里樓船妾隨寶劍
每將燈下看玉簫
應向月中吹
人生此樂如君少
莫笑吳儂拂袖遲

逢武當道士李幽巖用王修撰韻

暫攜笙鶴遠朝天
盡道丹成骨已仙
巖構往來馴虎豹
荷衣著破帶雲烟
歲周甲子何曾記
夜遇庚申便不眠
回首故山歸興好
嘯歌風月浩無邊

贈孫碧雲還武當

纔朝金闕便言還
自是高風動聖顏
身作地仙逢盛世
面承天語住名山
重重臺殿空青上
六六峯巒紫翠間
料得塵緣無一點
此心應只伴雲間

哭林侍講誌字尚默號見一居士侯官人永樂辛卯解元壬辰會元榜眼春坊諭德兼侍

讀五十卒楊文貞公士奇表其墓

早登科第占魁名載筆曾同客兩京
夜靜玉堂邀看月
春深丹禁坐聞鶯
才華未及施經濟
交誼寧知隔死生
老我情懷怕傷感
不勝雙淚為君傾

送張中書愿中扈從出塞

聖主巡邊馭六師
君當扈蹕共稱宜
天威震動風雲合
漠野歸降雨露施
策馬曉行隨綵仗
濡毫夜直近彤墀

人生際遇真非偶，况復功名及盛時。

胡祭酒索寫洪厓圖，依韻奉荅辭之。

儼字若思

纔過中年又晚年，筋骸疲憊眼茫然。久將清事拋成嬾，忽得佳章喜欲顛。珠浦光寒秋見月，玉田膏潤暖生烟。

便當十襲藏書篋，留與兒孫作世傳。

纔過中年又晚年，一身多病已頽然。漫將詩酒愁邊遣，不復毫縑醉裏顛。數葉竹梢承雨露，一拳苔石寄風烟。若言貌得洪厓仙，跡猶難我輩傳。

題何雅言古柿山房卷

山房栽柿久成林，手澤傳芳直到今。
根與芝蘭同長養，葉連椿桂共蕭森。
霜明秋色垂朱實，雨過春雲結翠陰。
每見竒材常輩出，應知先德種來深。

竹深處為劉孟功題

萬竿林立草堂前，門巷迂迴小徑穿。
席展翠陰留客醉，詩題玉節許僧鐫。
未秋已覺涼生袂，清夜那知月在天。
老我情懷怕蕭索，却疑風雨若為眠。

茅屋為秋風所破有作

西風昨夜起狂顛捲我茆齋屋頂穿紅日迸光來枕上
白雲拖影到床前破鐺煮茗煎明月古硯濡毫蘸碧天
一夜寒窓渾不寐寸心直至斗牛邊

過淮安送周文威歸吳

我昔送君君挈家君今回棹我天涯萍踪又向幾時會
蒲質共驚雙鬢華淮海雨晴潮湧日邊城春暮雪漫沙
江南最是關情處茅屋暖風開杏花

題赤壁圖

當年坡老謫黃州與客曾從此地遊
簫舞潛蛟幽壑底船迎孤鶴斷磯頭
半篷月色水輪曉萬頃波光玉宇秋
三國英雄誰復在一樽還為酌江流

潼川驛宰潘君復任持卷求詩

三年傳舍官如舊來往追隨不厭頻
掃徑慣迎天上客折梅長寄隴頭人
驛樓樹暗淮烟曉官棹花明楚水春
待我南歸重經過索茶呼酒莫相嗔

登盱眙

縣郭高臨紫翠間
泊舟乘興一躋攀
荆揚南望無多路
淮楚西來第一山
僧舍逕幽松影合
水祠碑在蘚痕斑
登臨不用悲今古
渡口寒潮日往還

月篷軒

軒居窄窄小於舟
窻戶虛明瞰碧流
月色正圓思載酒
波光難定懶垂鈎
不憂平地風波起
最喜近人星漢浮
無限滄洲烟水趣
謫仙何必跨鯨遊

客中元夕對月

異鄉何處看燈好片月多情對客懸
遙憶故人千里共
又看新歲一番圓愁中燈火逢今夕
醉裏笙歌記往年
踪跡漂流難定止舉杯端欲問青天

出塞述懷

欲扣天關杳不通身投荒服遠從戎
王孫誰復哀韓信
行伍何繇拔呂蒙風折布稜邊地冷
月明笳吹塞樓空
丹心去去終期報卑下那能得戰功

從役

鶴骨昂藏七尺身年來趨逐困紅塵
順時語笑皆非我在已形骸轉屬人
貧窶每遭同輩侮迂踈常畏宰官嗔
獨能枕上番番夢尚與滄波白鳥親

塞上五月見蝶感懷

五月塞邊纔見蝶令人忽動故園情
牡丹亭館微風暖芳草池塘細雨晴
花底撲來歌扇小酒邊飛逐舞裙輕
蘧蘧肯作江南夢沙漠應知負此生

九日諸友讌集分韻得將字

塞北秋高思轉傷，孤城風雨又重陽。
杯盤強欲酬佳節，踪跡還驚老異鄉。
白髮幾人存故舊，黃花何處覓清香。
烽塵那忍登高望，南國音書絕寄將。

寫家山圖贈松江陸宗善

千里家山阻道途，昔曾遊處漫成圖。
青山斷處非三泖，白鳥飛邊是五湖。
楊柳陂塘茆屋小，杏花村落酒旗孤。
殷勤寄與同來客，此景江南彷彿無。

送子南歸二首

孟端謫戍山西大同行都司安東中屯衛二子長默字汝言次恒字

汝貞默子孫磚橋住恒子孫錢橋住

離情於汝倍多愁相顧無言只淚流
舊業未知還可葺邊城猶恐不宜留
凍雲衰草橫沙磧落月悲笳起戍樓
歎我歸期難預卜好將詩禮襲箕裘

情親不覺泪紛紛頓足牽衣未忍分
後累定知殃及汝中年誰料苦從軍
一身弓劍屯青海千里關河望白雲
汝母早亡遺幼弟古來同氣汝曾聞

送曹勉省父後南歸

故鄉南望路漫漫回首嚴親淚眼看
未別只言歸思切臨行猶覺去情難
關門月落鷄聲曉塞草霜枯鴈影寒
知汝到家眠未穩又思行李促征鞍

初歸

征衣漠漠帶風沙暫得歸來重可嗟
在客每憂難作客到家誰信却無家
解裘羞貰鄰翁酒借榻多分野衲茶
堪笑此身淪落久夢中猶自謫天涯

宿雨源上人山房寫懷

諱法湧姑蘇人
住持中天竺

西風林下髣蕭然轉眼中年近晚年蹤跡自憐飄泊裡
情懷偏愛寂寥邊秋燈茗椀同僧話夜月藜林對鶴眠
自喜拙謀從事簡豈應高尚絕塵緣

次韻詠獨鶴

用西源韻

昂昂絕俗誰為侶不是高僧即隱君遠水獨歸憐片影
空林清唳憶同羣夢隨坡老舟中月舞罷支郎榻外雲
惆悵我來難近狎飄然猶似避塵紛

酬承天寺幻師病中見寄

語話相投意便親
底須交久往來頻
半生未得吾忘我
一默方知妙入神
大患有身身是患
至真無迹迹非真
是非形迹俱忘却
可擬當年問病人

白雲深處為陳孟端題

高隱白雲深
復深階除晴
晝亦生陰山
藏暝色迷歸
鶴窻捲朝嵐
恐潤琴忽爾
去留那有跡
飄然舒卷絕
無心道人只
自閒怡悅俗
客要來難便
尋

題遠碧樓

愛爾樓居高百尺每來憑檻極天涯望窮絕嶺一痕斷
坐對遙空四面垂樹抄平湖春雨後烟深芳草夕陽時
才疎未敢追王粲興入蒼茫獨詠詩

重過虎丘馬天雨上人寫畫

世味年來冷似冰名山猶喜得重登百年心事誰知已
半日間情獨訪僧木葉下時風漸瀝莓苔掃處石峻增
寫成一片秋林意應對清吟雨夜燈

送范宗輝歸四明省親

對酒長歌遊子吟
酒闌歌罷泪盈襟
百年不是逢知己
寸草何繇得遂心
烏鳥聚時吳樹晚
白雲飛處越山陰
到家拜舞怡親日
應說侯門待士深

黃廣文席上詠白斲杯

愁把相逢一笑開
廣文今夕試新杯
淺深自是甄陶出
製作應從模範來
清夜舉時宜問月
初春攜處好尋梅
摩挲醉眼燈前看
玉質娟娟絕點埃

耳聾自嘲

自喜從今不畏雷是非無較轉癡呆
心情要與分明解指掌須教點畫來
每事應酬將意測卒時呼喚肯頭迴
偶逢生客初相訪未及交談便指腮

謝呂先生惠幅巾

敏字志學

烏紗寄惠承高誼兩帶翩翩一幅全
製度想從周禮出風流得自晉人傳
寒爐坐守偏相稱曉鏡看來亦自妍
昨夜尋梅到山寺僧言疑是老逋仙

為夏以廉寫松於扇

寵拜秦封未足誇，昂霄聳壑勢嵯牙。
掃烟曾見燒成墨，釀酒常思剝采花。
夜靜風聲驚鳥雀，月明林影寫龍蛇。
携歸好為而翁壽，歲晚相看色轉嘉。

題蕭仲和成成都思親卷

諱麓號
蒼崖

劍閣崢嶸列翠岑，東吳一望一沾襟。
不惟客久懷鄉切，復恐親尤念子深。
甘旨百年烏鳥志，關河千里白雲心。
知君近得榮歸好，愛日惟憂暮景侵。

寄樗林華先生

寅可字汝翼

先生眼裏雖無子，懷抱老年能自開。
令女素稱閨閣秀，外甥尤具孝廉材。
一筇吟影梅邊月，兩屐行蹤竹下苔。
別久令人想高致，雪中應擬泛舟來。

為夏雪洲舟中屏上寫竹

一剪輕雲落小舟，漫將書法效湖州。
清游便欲邀坡老，雅好還宜載子猷。
篷底影橫湘浦月，燈前聲帶海門秋。
興來欲作長竿去，釣却連鰲訪十洲。

贈徐君邦孝

庠戶部侍郎憲
字元度之孫

難後不知何處在客中相見髻絲新
此身已老誰知己
舊業如今盡屬隣
歸夢幾回膠嶺月
借耕十畝練塘春
人生萬事應難料
未信長年孺子貧

用韓先生看梅韻述懷

奕字公望吳
人號蒙菴

嗅梅林下看新晴
頓覺蕭然俗慮清
事往語人猶在夢
才疎于世若忘情
雨添江水春無跡
雪墮松梢夜有聲
自古人生須適意
是非身後托誰明

適間翁以松葦風銷見餉以詩戲呈

寄來佳品見高情露菌風銷始識名翠釜煮時雲朶朶
玉纖傳處雪盈盈香甘絕勝牛酥餅嫩滑偏宜豆乳羹
却愛老饕難便飽吟腸依舊作雷鳴

釣詩鈞

好句如璜得者難江天佳趣浩漫漫長吟對酒初投餌
小立支筇勝把竿興逐白鷗揮綵筆思牽華藻出層瀾
只今湖海多風雅不獨名高七里灘

煨詩爐

物情為炭趣為銅始信經營意匠工
光焰騰衝天上下
詞鋒淬就劍雌雄推敲句法從精鍊
陶冶心雲入混融
雅頌百篇存古製定將橐籥鼓淳風

貯詩囊

吳奴背上日隨行
小李當時早得名
隲括尋常風月趣
包容今古詠歌情
珠粲粲光華滿
文錦輝輝彩色明
累牘聯篇藏已久
未逢刪采向誰傾

送謝長司歸山西守制

勉字公載蒲州人陞大理丞

左遷花縣居蓮幕故道經行尚避驄
正待瓜期登上考
遽聞椿壽告初終松楸望遠愁雲外
山水程多淚眼中
更好節哀思為國莫徒傷毀慟蒼穹

趙縣丞以事繫法司乃弟自台州來赴難及獄平

始告歸省以詩送之

縣丞名孝禮字次進

急難每聞人共勉况君骨肉最情深
不惟友愛弟兄義
正欲怡愉父母心
花底醉歌忘旅况
燈前懽叙話鄉音

到家具慶尤堪美椿桂滿堂生晝陰

送鄭御史致仕歸義門

諱幹字叔恭

壯年從宦老京華歷仕先朝歲月賒自入憲臺頻攬轡
近承優詔許還家金頒內帑衣裁錦醮錫南宮帽壓花
如此恩榮光閥閱向人稱說信非誇

和曾侍講對雪韻

朔風吹雪送殘冬坐擁貂裘不厭重大地銀鋪千萬頃
遙天玉削兩三峯晴光掩映都城柳曉雪蒼茫禁苑鐘

詩思逼人吟不就漫將濁酒助衰容

對雪再用韻

一天風雪又深冬
添得詩人興趣重
壓樹只疑花撲地
看山無復翠為峯
管絃沸沸青樓酒
臺殿盈盈古寺鐘
忽聽陽春歌絕調
令人不和若為容

送實即中之杭州都細

自是人天說法師
新承恩命授官資
春乘短棹還山去
曉著方袍向闕辭
楚甸蒼茫殘雪盡
海天空濶片雲遲

諸僧迎候知應久，共看松房偃舊枝。

哭內弟趙叔平

我昔新婚子弱齡，而翁從戍適當行。
別離去國不足念，生死託孤深注情。
萬事轉看皆往夢，寸心猶恐負前盟。
別來十載不一見，老淚寧知為爾傾。

送胡直秀才下第歸南京胄監生

直字敬方，復姓熊，縣之父。

白髮科場未得名，鄉閭先達半諸生。
典文深有披沙恨，失路能無抱玉情。
夜雨燈窗歸上舍，春風花柳別都城。

抵今且讓諸年少他日鰲頭屬老成

題凝碧書房為江陰徐孟熙賦

愛爾高齋傍柳陂綠陰長滿讀書帷晚涼燈火秋聲早
晝靜軒窓日影遲畧洗竹林通鶴逕遠分潮水入魚池
何當借地相隣住白首同為歲晚期

瑞應獅子詩

西戎獅子進神京粲粲金毛映日明幸際盛時親覩此
絕勝前史但聞名萬方頓使羣妖息一吼能令百獸驚

不是吾皇珍遠物遠人深意慕朝廷

麒麟詩

華夏同春海宇清麒麟先後進瑤京
信知和氣多祥瑞喜見遐方仰聖明
聲協簫韶金殿奏步循規矩玉階行
四靈稱首昭仁瑞萬歲千秋享太平

挽胡母吳宜人

學士胡公之母

身膺五福介期頤出自名門衆所知
井臼相夫成顯宦詩書教子達明時
恩榮已拜宜人誥懿行當為女士師

婦道母儀俱不泯
文光輝赫墓前碑

題醫訓張良用全安堂卷

有藩府書扁

醫名猶得動侯王
為寫全安墨有光
種德豈惟燒藥券
傳家都是活人方
階庭雨後添生意
篋籠風前散異香
共喜拜官霑寵渥
聖心端欲萬民康

送陳吏部再赴交趾安撫

治字叔遠
毘陵人

炎荒萬里喜班師
又奉綸音向闕辭
蠻地既平為郡縣
聖心尤欲撫創痍
山川瘴盡風霆肅
雨露恩深草木滋

遙想旌旄重到日姓名先慰遠人思

送周經歷之廣東神電衛

落落襟懷自不羈客邊相見即相知
幾番官舍同談笑千里雲帆遠別離
拜命正當初夏日到官應值早秋時
年來戎幕應無事對酒投壺日詠詩

贈別經館諸僧

詔集高僧館石渠得陪清論半年餘
太官飯設天厨供法藏文編貝葉書
柳外香來知仗近花陰日轉退朝初

告成又復東西別日送飛雲渺碧虛

題風雨竹

楊柳情懷得似渠望秋先已影蕭疎狂風怪雨從教橫
直節貞心只自如昔遇軒轅調六呂曾同毛穎作中書
年來雖是無知己志抱冰霜自有餘

送陶給事德溫福建閱武

駟騎南征向七閩海霞紅映錦袍新威行甲冑嚴邊備
節秉旌旄識近臣花柳城池烟外曉桑麻村落雨中春

聖心務在安黎庶使者應知慰遠人

寫竹題贈舉人柯啟暉歸南京卒業

暉

臘盡都城奈別離歲寒人贈歲寒枝
恩承雨露應非偶影拂雲霄自有時
耐久情懷交後見出塵標格靜中宜
珊珊鳴珮天風響它日相期在鳳池

送陶給事之福建僉事

繡衣榮作外臺臣送別都門遠入閩
天上纔承持斧詔道傍隨有避驄人
公庭草綠榕陰午驛路花香荔子春

卷四
況是皇華舊遊地困窮應達枉應伸

為項御史題張真人所畫烏臺春晚圖

栢府沈沈春漏長封章書罷動晨光
吏聽烏烏知朝候人避青驄在道傍
花外烟開金殿迴柳邊風暖繡衣香
宦情喜託仙家筆虎踞龍蟠識帝鄉

送上海道會沈練師

一簪華髮羽衣寬世外仙翁亦拜官
方朔自應從吏隱旌陽唯欲濟民安
劍橫星斗龍光見珮響天風鶴背寒

回首丹房滄海上弱流東去路瀾漫

送吳中書南京復職

均字仲平

送別都門腸已殘朔風吹雪思漫漫計程中路逢新歲
拜命南京復舊官潮落秦淮江月小帆開揚子海天寬
鳳池諸老應無恙千里憑君一問安

送殷叙賓

聞說黃巖近赤城憐君作宰送君行檄先到縣吏民喜
道便過家閭里榮曉日花明山郭靜秋來禾熟海畬平

卷四
郎官百里應星象好察居民疾苦情

送金先生歸金華

令子秘書居禁闈尊冠尤戀故山薇
遠違未免長相憶纔到那知又欲歸
白酒香時禾黍熟黃花開後蟹螯肥
扁舟此去真堪羨風便莫教音信稀

寄題清目樓

雙眸久厭黃塵眯遙想斯樓便豁然
疊嶂四圍橫檻外飛泉一道落簾前
人來晚棹歸村市鶴帶晴雲度海天

聞說主翁能繪事好傳風景客窓懸

送永嘉夏子成服闋還任絳州別駕

別駕喜除前任處依然城郭馬頭看山川重對如歸客
父老遙迎識舊官路入晉疆秋氣早河經淮甸水容寬
絳人南守甘棠在此去謳歌士庶傳

送常士昌之鴈門

匆匆又復上征鞍何日重來叙舊懽去速未能陪奉久
交深唯覺別離難春回上國鶯花早歲暮邊城雨雪寒

兩地相思俱是客，好將書札寄平安。

送僧歸吳興用楊進士韻

蹇將蹤跡寓京畿，海鶴江雲處處飛。
老託孤藤隨作伴，貧收碎帛破成衣。
吟邊燈影同清夜，別後鐘聲隔翠微。
愧我浮名苦相伴，何緣參謁叩禪扉。

元夜玉堂齋宿分韻得星字

元夕正當齋宿夜，玉堂春漏隔花聽。
英才會合那能寐，好句賡酬不蹇停。
萬井笙歌同皓月，九遠燈火亂繁星。

明朝聖主嚴郊祀，佇見嘉徵集四靈。

送許可久歸錢塘

桑梓舊居存，浙水庭闈新。構住京華百年，寄寓誰非客。
兩地往還俱是家，回首白雲離思杳。隨人芳草去程賒。
料應不久重來此，分手慙時休嘆嗟。

用韻賦荷花燈

翠芰紅渠照眼新，裛成燈火鬪芳春。中庭月色涵秋水，
陸地花明隔暗塵。歸院曾隨金馬客，聞歌疑是若耶人。

可容一葉乘舟去露髮何妨醉脫巾

述懷

到京誰信寡交親每每懽和却變嗔俯仰順人那盡意
浮塵隨處漫容身樽前強作忘情醉鏡裡俄看老髻新
昨夜夢歸江上路臨風高振客衣塵

奉和少師端午日賜宴詩韻時同纂修羣書於文
淵閣下

位列台階五福昌憐才多見進賢良詔編簡冊興文教

宴錫蒲觴被寵光雅量容人皆感德新詩對客即成章
鮪生展拜嗟何晚四海聲名久播芳

功勲尤喜晚年成出語常令四座驚重望固應居國老
謙光猶復禮儒生彤庭宴罷看儀鳳黃閣詩成聽禁鶯
况是太平無事日纂修羣籍贊文明

和陳仲明遊茅山詩

陳善醫目
號慧泉

希夷生愛覓仙蹤采藥華陽洞口風幽徑草香曾宿麝
古潭雲暖舊藏龍丹成寶鼎鉛花碧錄秘琅函印篆紅

歸到人間施妙術每令昏瞶豁雙瞳

送僧瑀楚南住靈巖寺分題得披雲臺

古寺香臺客到稀閒雲無伴待師歸
霏霏偏解護禪榻片片寧堪補衲衣
舒卷任緣那有礙去留無著摠忘機
講時應有神龍聽化作遙天法雨飛

分題得彭蠡湖送施員外之南康太守

天開一鑑列雲屏相去南康里許程
夜靜灘聲喧郡郭日長波影動簷楹
聯翩鴈陣驚秋早遠近漁歌起月明

簾捲黃堂吟對處君心應許共澄清

閒吟

原來非有亦非無萬化流行共一途
先要胸中存見識
還須事上著工夫
陽回大地和風滿
影落千江片月孤
得此見成消息了
芳菲隨處可提壺

寄示大兒默

字汝言

年來老境早相尋
眼霧昏昏鬢雪侵
仕進謀身渾斷念
思歸於汝最關心
生涯休厭田園薄
樂事無如道義深

安不忘危古今戒尋常行處索沈吟

翰林夜讌分韻得隅字

簪纓列坐總文儒綠蟻浮香瀉玉壺
裊蘭薰橫鵲尾簾垂燈影見蝦鬚
賡酬但覺詩情好笑語渾忘禮法拘
醉裏不知春漏促梅花殘月轉城隅

梅花燈

綠萼含芳剪綴成小窻寒照一枝橫
韶光滿座春先到疎影當簷月共明
結處任教吹玉笛看時難把插陶罌

夜深吟賞渾忘倦
紙帳高眠夢亦清

送劉秀才日昇歸江西挈家

通籍金閨步玉堂
喜同三載近清光
每驚得句近陶謝
復見揮毫逼晉唐
公讎屢分光祿酒
客庖長飫大官羊
到官好慰妻孥意
早謝家山入帝鄉

詠獨鶴

仙骨昂藏難偶俗
肯隨鷄鶩共紛紜
雲霄路杳非無侶
泉石情高自不羣
月下一聲來靜夜
池邊孤影立斜曛

有時還向空庭舞滿地書成鏡爪文

楮巢為王可貞先生賦

紙糊小閣
扁曰楮巢

林下蕭然人似鶴刺藤蒙密作幽棲高眠可當梅花帳
深掩難容燕子泥窻牖透明雲影薄屋梁生白月痕低
新詩不用裁成卷客到時教就壁題

送金元祺之常州教授

聞君典教吾邦去喜意渾忘送別情當見文風興一郡
定將經術飽諸生杏壇琴靜移花影芹泮吟餘對月明

况有黃堂賢太守公餘應覓鄭康成

送玉林師赴會還閩中

道風高邁素知名詔率同袍上玉京
梵教宣揚超古昔聖恩弘濟及幽明
祥雲盡集瑤花舞甘露朝凝寶樹榮
法會已周辭鳳闕浮杯南去海波平

挽彭秀才叙古

一疾如何便永違都門秋色慘斜暉
鄉人驚報哀音去老父來收旅櫬歸
別夢尚能聯几硯返魂應解訪庭幃

至今館下多殘翰每見征人淚滿衣

壽王吉士雙親

階下芝蘭綵服鮮堂前旬中重開筵尊翁壽旦中秋後
阿母生朝九月前椿樹倚雲涼氣好萱花迎日曉光妍
賢郎近住瀛洲上眷屬應知摠是仙

分翠軒為弘道賦

瞿弘道任
寧府教授

隣舍屋頭多種竹知君庭下不須移月斜送影來虛牖
雨後行鞭過短籬一榻清風難獨賞兩家幽致共相宜

余今亦有王猷癖直造寧論主者誰

新居

近構行窩殊可愛短籬蓬屋小窓紗休言暫住非真宅
偶得安居即是家雨過近移官寺竹春來唯欠故園花
落成不待賓朋賀新水銅瓶自煮茶

送王知州復任

政績喜聞居上考官情添得髻毛斑一樽又向江頭別
五馬重看海外還瘴霧未收天欲雨颼風初起浪如山

休言南徼王畿遠文教于今被百蠻

送卓逸民歸浙東迎養

每愧空林反哺鴉庭闈迢遞日西斜
暫歸鄉里翻如客久住京華即是家
珍味可嘗光祿饌忘憂還種北堂花
安輿催上休遲滯書法須君攷謬差

和韻贈徐子銘

忘形不覺往來頻况復情懷久更真
稍與遲留常抵暮縱無酣飲自生春
樓前夜色千門月簾外風光九陌塵

滿眼長安名利客如君蕭洒是何人

雨夜宿實上人山房因題于竹石圖

竹窻清夜聽風雨蒲座同僧對一燈自笑身形癯似鶴
誰知心事冷如水茅庵近漏牽蘿補茶鼎將枯汲澗增
明日天晴過湖去雲山烟樹繞平陵

梁不移先生以詩示其子修撰用次其韻

二子潛混

渺渺白雲天一隅賢郎瞻望久離居宦遊雖念道途遠
親老肯教音問疎椿桂同芳多雨露芝蘭交映繞階除

緘題新句來京國應向晴窓手自書

居處高閒體自安襟懷誰得似君寬
隣家酒熟邀春社釣艇魚來共曉飡
草色池塘看細雨杏花簾幙動輕寒
賢郎近得緘題至對客時時一展看

楮窩

玉堂詞客行窩好繞榻渾將繭紙糊
皓彩透明真月窟紅塵懸隔擬水壺
最宜就壁題篇什不必圍屏寫畫圖
賓退隨教掩窓戶春時唯恐燕泥汙

挽楊諭德尊翁

世難一生多索莫唯將古道樂丘園
家庭不獨稱純孝
盜賊猶能感片言
三徑草荒飛夢蝶
孤墳松老慘啼猿
只今有子逢昭代
光顯應知慰九原

長蘆道中晚眺聞明日駕至德州

漠漠長堤起暮烟
烟深茅屋數家連
燈前人賣當壚酒
月下牛牽上水船
官柳蕭條霜落後
鄉山迢遞鴈歸先
明朝應候鑿輿近
五色龍光動九天

德州早行遇雨

陸路南來第一程
曉烟寒樹廣川城
僕夫隱隱隨車遠
官騎蕭蕭冒雨行
野店杯盤多旅况
客途風物總詩情
馳驅不覺天將晚
喜見殷勤驛吏迎

挽盛進士衍

姓字登科病已纏
忽聞長逝益增憐
恩榮纔製新袍笏
志業空遺舊簡編
丹旒西風秋色裏
白楊孤塚暮雲邊
為言堂上休悲憾
恐逐修文在九泉

靜趣軒為顧德潤題

竹樹陰森映短牆
蕭然絕俗似僧房
出城相去路三里
閉戶獨眠書半牀
風暖林花飄几席
雨晴沙鳥入池塘
慚余擾擾紅塵客
到此猶能百慮忘

哭亡兄

十年遊宦滯京畿
幾度緘題問我歸
骨肉本期常會合
音容誰料永分離
風飄花萼鶻聲切
雨暗關河鳳影稀
聞說今朝臨塋日
淚痕空滿客邊衣

五月一日欽蒙賜扇上有古人嘉言皆當今名翰
伏讀之餘喜而賦此

新扇初頒拜寵光格言名翰玉成行一時暑氣都驅却
四海仁風得奉揚皓彩照人如月樣微涼拂髻有花香
菲材自愧渾無補喜覩南薰物阜康

和吳中書閣老韻

均

班列鸞鷲肅羽儀恩頒新扇曉光熹纔臨北闕瞻天拜
便覺南薰遍地吹在手敢忘君父德省心常佩聖賢辭

鳳池閣老能詩客有倡佳章紀盛時

題江雨軒為耦武孟作

諱桓

江上軒居晴固好雨中風致更相宜
秋聲滿屋隱書几
爽氣一簾傾酒卮
渺渺汀飛鷺下冥冥雲浪去帆遲
諸孫涼夜親燈火絕勝旅篷愁聽時

遊神樂觀期耦君武孟不至明日耦君有詩見寄
遂用韻答之

退直乘閒暫出城
峒崑仙觀壯神京
壇邊人擁青鸞帚

花外誰調彩鳳笙，齋殿風微香馥郁。醴泉雲冷鑑澄清，
題詩無限登臨興。獨欠君來未暢情。

代作送大學士黃靜菴先生拜封歸永嘉

賢郎祿養正宜留，底事匆匆買去舟。世澤共推家學在，
榮封重沐聖恩優。一帆烟水離京口，兩岫雲山過越州。
遙想到家秋正好，親朋詩酒樂林丘。

送石憲使中美之四川

持斧遠臨西蜀去，繡衣榮作外臺臣。威行一道霜風肅，

恩被重霄雨露新
劍閣山川當歲晚
錦城花柳待陽春
驅馳好叱王尊馭
聖主深懷在遠人

別蓬庵

染翰年年直禁闈
此身生計未應微
慣聽風雨蓬為屋
小鑿池塘竹映扉
在客亦知聊暫泊
出門那忍遽相違
山靈不用移文誚
滋味依然一布衣

扈從出京

二月陽和駕北巡
兩京佳氣藹晴旻
寰瀛共仰乾坤大

草木均霑雨露春仗簇五雲常捧日兵嚴萬騎不驚塵
菲材自愧渾無賴載筆叨榮列從臣

二月九日瞻望大駕渡江作

風送龍舟正落潮山形盤踞鬱宮堯帝圖久已超三代
王氣何曾數六朝檣櫓中流江路迴旌旗夾岬海天遙
只今萬國歌遊豫不獨康衢稚子謠

夜次淮安西關

獨客微吟夜不眠官航初換宿淮堧烟深燈火津橋市

月下帆檣賈客船千里河流長不息兩城更鼓互相傳
含情未得詢陳跡韓信祠荒草滿阡

曉入清河舟中眺望

風帆曉入清河口野岼晴飛白鳥羣水入淮流千里合
路通齊地一支分馳心輦下常看日回首江東已隔雲
試問縣樓應不遠夜來更鼓月中聞

江行得便風快甚民望索詩遂賦

舟泛長江一葦輕棹歌齊發浪花生纔看帆腹添風力

便覺船頭響礮聲涉遠底須登陸路憑虛真欲上蒼冥
題詩為報偕行客同是鷓鴣十萬程

寄京師諸友

法駕時巡出紫宸從行猶及布衣臣驅馳不覺離情遠
感激惟知寵渥新鄉信到時應歲晚征途隨處逐陽春
兩京宮闕遙相望雲樹沉沉入夢頻

登劍臺望京華作

一上高臺首重回五雲何處是蓬萊帆隨鴈影天邊去

人共春光日下來
淮甸煙銷平似掌
河流水泮碧於苔
翠華行幸應非遠
佳氣氤氳繞上台


寄同舍余彥行鄉友

髻年交誼在鄉間
老大京華共客居
分手又經千里遠
對牀空憶兩年餘
春風禁苑鶯聲早
暮雨關河鴈影疎
聚散人生那可料
平安須用託緘書

夜泊徐州

樓船今夜宿彭城
楚漢當時此戰爭
帝業定知歸有道

兵家尤忌出無名廢興舊跡餘山色今古流年逐水聲
感慨獨吟眠未得忍看孤月照人明



王舍人詩集卷四